

2 Pita

1 ¹I așeta, Yesu Kerisoné ama kutó dirópóló dotęyale *apospel* whi Saimon Pitané dapó. Yesu Keriso așta mo Kótótóro bitu, da aluyașóro tao su betere whișpó. Téru, ama ere mo donoi ala sya furaalu, mo doasi ke bole beșa kaae kisipa tiki tiratere ala dașmókélé, diășmókélé matepa salepó.

²Kótóro da țeteróló kaae tare whi Yesutamo diriyóló kisipa dereteiné, atimaamoné erótu betere hamokoróló hașle tao sere alaró hosaa muni deyóló dua betere alatamo mo turó diș tuășmó mulópóló yae.

Kótóné a beterepaae ape ere fo diriyóló kisipa muae

³Kótó sya fóló ama ala eróturaalu, fea ala yașa yașóro ama doasi fotokșné dașpaae mo șuró beterapó. Ti aita, ama kae ere deșó wisi alatamo fașanu, dașpaae ape yale sekę a kisipa deté fole betené su beterapó. ⁴Ai doasi fotokși ala dașpaae eróturaalu, etei kaae bete mole alarape diășpaaekélé eraalopóló muló beterapó. Ai eraalopóló ere fo wosóló, dașné tuę tiki tiratepa, ti Kótó a tuășmó ere ala wisinaaletóro dașpaae tokó melóo, i haemó betó mole so whișrapené ekęle yóló hșko du betere sonaalei dowi ala dașpaae tokó meni yóo, yaalopó.

⁵Atéro doasi ala ere betené, diaaș tuę tiki tiró betere ala tómó beleróló wisi ala mo ketekę buóló du betae. Ai wisi ala tómó, Talené ama bete mole fo diriyóló tuę yae. ⁶Ai ala tómó, tó tiki né ekęlere ala yașóro țeteróló kaae tawae. Ai ala tómó, sekęi ala wapakélé hașle beletétóro fu betae. Ai ala tómó, Kótó tuășmó ere ala wisi șuróló du betae. ⁷Ai ala tómó, diaaș ne no kșleturaalu, hosaa muóló betae. Ai ala tómó, mepaae so whi kșlené sukóló hosaa mo turóné yaala sókó fu betae. ⁸Ti ai alarape diș tuășmó muluraalu fakeraté fu betepa, ti daș țeteróló kaae tare whi Yesu Keriso tuę deté faalopó. Atéruraalu, diș hașle bitini, Talené ala eraté fóló, diș tuășmó mo du wisi woleyaalopó. ⁹Tépaște, mepaae whi tuășmó ai alarape munipa, ti mepaae bete mole ala ama diriyóló kilini, keke dilikirapó. Atéru, ama take yale dowi ala Talené fokóló kemeró beteretei kisipani, mo ti kisipa keteró beterapó.

¹⁰Atérapa yașo no nerape-ó, diășta Kótóné ama sókó su yóló aș beterepaae ape yale so whiștamo beșamó biturapa, diaașște hotowayóló

kelae. Ti noatepae, diaaꝯ ai alarapetamo deté fu betepa, ti diꝯ dée nóló haepaae derepéni, mo diriyóló bitiré faalopó. ¹¹ Atéro bitiré furaalu, da aluyaꝯsóró tao sale whi Yesu Kerisoné ama mo ti mole ala teteróló kaae tare tuꝯmó diꝯ beteroꝯpóló, ama mo hekesetamo wisiyóló dape saalopó.

Kótóné kóló whirapené asere fo

¹² Kale bete mole mo fo diꝯané wosóló diriyóló tuꝯ yóo, diꝯpaae yae yóló bope yale alarapekélé diaaꝯ tuꝯ yóo epatei, kisipa keteni tuꝯ yó tanꝯpóló diꝯpaae yaairetei ꝯ hōni, haꝯe yó tawaalopó. ¹³ ꝯ sukꝯairaalu kapala asiri haemó i daale mo tikita, kuti be fisikaai kapala asiri tēnure kaae, ꝯ i haemó kapala beteraꝯpó. ꝯ sukꝯai haꝯe bitutei, yaꝯlo i bope yale alarape diaaꝯ kutiri tuꝯmó haꝯe muó tanꝯpóló momó du momó du deretei, mo dono dapóló kisipa mutapó. ¹⁴ Ti noatepae, da teteróló kaae tare whi Yesu Kerisoné ꝯpaae ya betere kuti be mo felekemó fisikaai dapóló, haꝯeamó yó maletēi yaꝯlo kisiparapó. ¹⁵ Yaꝯlo mió i du betere forape ꝯ sukꝯitikiꝯmó diꝯané kisipa keteni, tuꝯ yó tanꝯpóló ꝯ doasi ketekꝯ buluraalu, aseró fotamo diꝯpaae i du betere ape.

¹⁶ Ti da teteróló kaae tare whi Yesu Keriso ꝯ doasi fotokꝯtamo waalopóló, dané diꝯpaae yó melale fota dané kekeme nóló haꝯe dolꝯa fo kaae inipó. Ama mo kae ere ala wisinaaletóró dané kelené mo kelaletēi diꝯpaae yalepó. ¹⁷ Ti Alima Kótóné ama mo kae ere deꝯ wisinaale tuꝯmó naalema betepa kolóló, i fo yalepó. “Aꝯta, yaꝯlo hosaa mo turó mole naale ai ape. Ama du betere alamó ꝯ mo doasi hekesené sukutu beteraꝯpó,” erapó. Alimané ai fo yaleteiné, ꝯ tuꝯmó mo kae ere deꝯ haꝯkearóturaalu, ꝯ doasi doi mulatere ala yalepó. ¹⁸ Ai fota, ama kae ere hasi fosómó da Yesutamó bituraalu, hepen bemó Kótóné ai fo deretei mo danétóró wosalepó.

¹⁹ Ai hasi fosómó yale fo woseturaalu, take betale Kótóné kóló whirapené yale fo Yesu tuꝯmó mo dokonatapóló dané mo diriyóló kisiparapó. Diliki tuꝯmó deꝯ betere saꝯ deꝯyó taru ere kaae, diaaꝯ kisipa ai kóló whirapené ere fopaaetóró muló bitu, diꝯané hosaa tuꝯmó be deꝯyó hotu dere kaae yóo, hiꝯka deꝯyó tare hoꝯe kolóo yaaipatei, ti ai eró betere alapaaetóró kelené kikéyóló kaae tapa mo wisirapó. ²⁰ Ai deté wale forape tómó, me doasi bete mole dirii fokélé i dapa wosae. Kótóné ama kóló whirapené yale fo asꝯ tuꝯmó moletei, atima kisipané kekeme nóló inipó. ²¹ Atimané yale fota, mo whiné kisipa sya furaalu kaaróló ini, Deꝯi Kepe Wisiné kale kóló whirape fotokꝯratepa, so whipaae Kótóné fo i ape yóló yó maaté kwꝯyalepó.

Kemeratere be demó so whi dilikóló kꝯpaae falatere whirape mo ti dowi kwia saalopó

2 ¹ Téyaletei, atéyale alimó Kótóné fo yó matere kóló whirape nisi yꝯpóló kapala fo yó matere kóló whirapekélé beterepó. Téyale

kaae, mió diã tuãmókélé atéro kapala fo yó matere whĩrape betaalopó. Ai whĩrapené Talené fo yó matere aqyóló, so whĩ dilikóló doraaire fotéi yó melaalo ai ape. Téturaalu, atima dupu yale sekéné atima tẽteróló kaae tapatei, atima Talené dupu yóló tẽteróló kaae tanipó yaalo ai ape. Atétere betené atima kwia móturaalu, dóló aluraaire tũ atimanétei aletu beterapó. ²Atimané ai du betere mo sonaalei ala diã mepaae so whĩné sya fóló yaalo ai ape. Atéremó, mepaae belamó hãle betere so whĩné mo bete mole fo sya fole ala faleyaalopó. ³Atéro kapala fo yó mótu betere whĩrapené diaa q̄la q̄la saairaalu, diã dilikóló kapala serai fo atimanétei kekeme nóló yaalo ai ape. Atimané atei kaae yale dowi alamó, atima fea só deróló mo ti doraairaalu Tale ą noke fini, kwia melaai ama taketi taleyóló muló beterapó.

⁴Ti noatepae, *ensel*-rapekélé dowi ala depa Kótóné k̄le duraalu bokó sini, dowi kwia saaire dolopaae taae deralepó. Aita hãle mei, Talené ama taleyaaire be d̄ sókó waai teópa kaae taru, dowi diliki tuãmó bitiré fu beterópóló, mo apaae derepale osono dolomó *dipula* beteró beterapó. ⁵Mo take betale so whĩrapekélé, Kótóné k̄le duraalu dowi kwia matere ala bokó sóró taarénipó. Kótóné ama mo donoi ala i ape yóló yó mótu betale sek̄ Noaró mepaae w̄ikeró so whĩtamo betã Kótóné tao sipa kalepó. Téyaletéi, ai so whĩné Kótóné fo wosóló sya feni dowãae fu betepa, Kótóné mo doasi w̄ei anóló so whĩ fea doróló alurélipakalepó. ⁶Atéro bitiré fóló, nalo Kótóné Sodom be huluaró Komora be huluatamo siné doló kemeróló, kili alée faralepó. Kótóné ai ala eraleteita, nalo betaaire so whĩnékélé ama fo wosóló sya feni dowãae fu betepa, atei kaae kwia melaalopóló tuę yópóló eralepó. ⁷Téyaletéi, Sodom be huluamó betó mole so whĩ Kótóné dóló aluróturaalu, Lot sinaqsóró ama tao salepó. Ti Lot ąta, mo donoi whĩ bitu, ątamo betó mole so whĩné kae kae du betere sonaalei dowi alaró Talené fo woseni tikitu betere alatamo kilituraalu, ą hasekãa kisipa mutu felé yóló bitinipó. ⁸Ti ątamo betó mole so whĩné yaq̄se ere fo tukóló, dowi ala dó mió yóló hãle yó tapa kolóo, dowi fokélé wosóo du betaletéiné, mo donoi ala du betale whĩ Lot ą felé kisipa muni, ama hosaa tuãmó deletamo bitiré fu betalepó. ⁹Até yale ala kilituraalu, dowi ala du betere so whĩ Kótóné kwia melóo, ama ala erótu betere so whĩ sek̄i alané só deraqsóró tao sóo, dere ala Tale ą mo asaru mo donotóró dua dapó. Atéro kwia matere ala taaréni, hãle yó taté fóló ama taletere be d̄mó sókó faalopó. ¹⁰Ti ama kwia matere alata, mepaae dowi ala yaai ek̄le du betere so whĩró Talené ama tẽteróló kaae tare aqmó betere h̄yóló dowãae fu betere so whĩtamo, ti Talené mo doasi hapólui ala erótu betaalopó. Ai ala du betere so whĩrape mo halaainé atima bopé fakeyóló nene duraalu, Talené ama kae ere d̄ fãane *ensel*-rape faletu beterapó.

¹¹Tépatei, *ensel*-rapené bole fotok̄né ai kapala fo yó mótu betere whĩrapené bole fotok̄ tẽteró beterapó. Atére *ensel*-rape Kótóné keletómó

mo kae ere de fane sekerape faleyóló só derótímipó. ¹²Ai kapala ala yó matere whirapené mole tué tikita, mo whiné mole tué tiki kaae muni, mepaae betere ɔla hupu ó haq atima tué muni haɔe hoɔko betó mole kaae, ai whirapekélé atérapó. Ti na huputa, whiné dóló nópóló Talené aleyóló betero betérapó. Ai whirapené i kale sekérapené bole doasi fotokɔ bete tué iniruraalu, atima Tale doka doka yóló eratere fo dua dapó. Whiné haɔe hoɔko betó mole ɔla naró huputamo dóló nuku dere kaae, ai ala du betere whirape Kótóné dóló aluraalopó.

¹³Aita mepaae so whi dorale alamó, Kótóné atima kwia melaalopó. Atimané tó tikimó feléyaaire dowi ala ekéleyóló, be deɔtamotei haɔeamó du betérapó. Atéro du betere alané, diɔtamo touyóló bitu ɔla deyóló nokole sukamó, diaaɔ doiró du betere wisi alatamo folokoleróló dorótu betérapó. ¹⁴Ai so whirape atima nópu naaire tué muluraalu, me so ó whi kelené kolóló au nukua dapó. Atei kaae dowi ala ekéleyóló du betereitei mo kemekélé ini, haɔe yó tarapó. Mepaae whi wisi ala yaaire tué meiyóló, bére so whi dowi ala yópóló, atimané ɔlisóro fua dapó. Mepaae so whi dilikóló wisi wisi ɔla sua yaletéiné ai ala atima mo asarapó. Ai ala du betere whirape ti Talené mo doróló mokoraairaaalu, tukóló muló betérapó. ¹⁵Ai whirapeta, kale Beor naalema Balam dowi hoɔko ala duraalu doasi *moni* saai ekéle du yale kaae, atimakélé donoi tu taaróló kópaae felepó. ¹⁶Ti Balam a tu tuamó keyaa fole whi kaae fu betepa, a faosóro sesé duraalu, ama *donki* hupunéitei mo whiné fo kaae yóló a foné sipakalepó. Atéyaletéitea, Balam-né ama yale dowi ala haɔkearótu yalepó.

¹⁷Ti ai whirapené du betere alata, mo fole weɔe dikitu dere kaae yóo, dirii suka dere alimó saɔko dilikitepa hali waai dapóló whirape heɔeke yóo du betepatei, beséné hali kaepaae sóro fu dere kaae atimané dere alakélé atérapó. Atétu betere whirape atima diliki tuamó mo ti betó tanópóló, Talené tukóló muló betérapó. ¹⁸Ai whirape atima me bete munipatei, wisi ala dapóló atimatei doi sóro horóló, bopé faketu betérapó. Kapala ala tuamó betó mole so whitamo touyóló betaletéitei, mo dótítóro ai ala taaróló wale so whi tó tikiné ekelere ala sya fóló dowi ala yópóló, ai whirapené atima kapala dilikóló ɔlisó fulapó. ¹⁹Ai whirapené mo so whipaae dané dere fotamo diaaɔ wosóló sya fupa, ti diɔ mené kutó diratere so whi betaalo meipó du betérapó. Ai fo du betere whirape atimatei, mo sonaailei dowi alané wae sóro kutó diratere whi betero betérapó. Mepaae whitamo me alané a teɔteróló kaae taru ɔlisóro kutu betepa, ti a ai alané wae kutó diratere whi ai betere ape. ²⁰Téru, mepaae so whi i haemó mole mo sonaailei dowi alané dokóló muló betepa, da aluyaosóro taosóro teɔteróló kaae tare whi Yesu Keriso tué yaletéiné, atima teraayóló haɔe beteralepó. Atéretei taaróló, take du betale dowi alapaae momótamo fesaae fupa, ti mió betere alané take betale ala teɔteróló a mo ti dorótu betérapó. ²¹Mepaae so whi Talené ala eróturaalu, donoi tu sya feni haɔe

hoko betepa, ti dorapó. Tépatei, mepaae so whiḡpaae Kótóné ama yae yóló kae muló betere fo wisi mené atimapaee yó matepa tuḡ yóló, donoi tu sya feletei taalóo, kale fo wisikélé haḡe ɔla kaae taae falóo depa, ti ai so whi atima betere ala mo turó dorótu beteraḡó. ²²Ai so whiḡné du betere alata, i mara mole fo tamoné sɔratapó. “Yuwiné ama soraatei momó nukua dapó,” Me i fokélé erapó. “Hupu biki biki epa mené a weḡi fokoteretei momó fesaae fóló biki biki dua dapó,” erapó.

Tale waaire be deḡ

3 ¹Yaḡo mo hosaa mole no nerape-ó, mió yaḡo diḡpaae tamo dakeróló i asḡ dere ape. Folosóro yale asḡró mió i dere asḡtamota, diḡné kutiri tuḡmó wisi ala yaaire tuḡ haḡe muó tanóḡpóló, diaaḡ kisipa disiróturaalu, dapó. ²Ti haḡe meipó. Kótóné take mo kae beteraḡe kḡló whiḡrapené yale foró, daḡ alu yaḡsóró tao sóro teḡeróló kaae tare sekéné ama *aposel* whiḡrapepaae yae yóló yó melale fotamo, diaaḡ kisipa keteréni, tuḡ yó tanóḡpóló dapó.

³Yaḡo diḡpaae folosóro dere fota, nalo kemetere alimó tó tikiné du betere dowi ala sya furaalu, Tale faletu betere so whi wóló, Talené ala eratere so whi faleyaalopó. ⁴Téturaalu, atimané etei kaae fo yaalo ai ape. “Aḡ waalopóló, tukóló muló betere fo-a metéli yaaloé? Daḡné ayarape sukḡle alimótei kaae sóro wóló, Kótóné ama kaarale ɔla ɔla fea me ala kae ini, kale alatóro haḡe erapó,” yaalopó. ⁵Tépatei, folosóro Kótóné ama foné sḡró haetamo kaarélipakaleḡó. Kótóné hae aleturaalu, weḡi tuḡmó hae sókó holae depa, weḡi betḡpaae maane fóló, hae sókó holipakaleḡó. ⁶Ai alimó ere hae tikiró ɔla ɔlatamo fea Talené ama fonéteḡi belere weḡi anóló dorae depa, mo dorélipakaleḡó. Ai yale ala fea atimané tuḡrutei, dowḡae fóló ai fo sisópaee erótu beteraḡó. ⁷Ti Kótóné ama ɔla ɔla kaarale fonéteḡi, mió i alimó ere sḡró haetamokélé siné doló aluraalopóló tukóló muló beteraḡó. Tétu, Kótó tuḡni hóróló betó mole so whiḡkélé, Talené taleyóló kwia mótu siné doló aluraaire be deḡ sókó wóḡpóló, ɔla ɔla kaarótu yale kaae, ai fonétóro daḡe mulóló, kaae tarapó.

⁸Térapa, yaḡo hosaa mole no nerape-ó, i ala betḡ kisipa keteréni, diaaḡ kutiri tuḡmó muó tanóḡpóló yae. Talené ala eróturaalu, 1,000 ba fo kolósu, betḡ be deḡ kolósu depa, me ala kae ini, mo betḡ alatóro erapó. Kótóné ama keletepa 1,000 ba fota, betḡ be deḡ kaae aḡrapó. ⁹Mepaae so whiḡné kisipanéta, Talené ama eraalopó yóló mulatere ala kese kese dere nisi dapó. Ti aḡta atéro kese kese dumi, so whi mo betḡkókélé aluyaḡsóró kisipa mutu, diaaḡ du betere dowi ala taaróló, fea aḡ beterepaae wóḡpóló, ama dua kaae taté fu beteraḡó.

¹⁰Téretei, Tale aḡ momó fesaae waaire be deḡta, ɔlémi nokole whi wou dere kaae yaalo ai ape. Sḡró sḡmó yó mole ɔlatamo aluróturaalu, doasi be sapalaa hale kaae yóo, haeró haemó yó mole ɔla ɔlatamo fea siné

doló kemeróo, yaalopó. Téturaalu, i haemó yó mole ɔlakélé fea siné doló kemeróló, hae tiki mo haɔraalopó. ¹¹Ti ɔla ɔla feata atéro aluraalopa, diɔ noa kaae so whi betaai kisipa mute? Ti diɔta, Kótóné ama mo kae betero betere so whi ereteiné ama ala erótu betepa mo wisirapó. ¹²Diɔ atéro mo kaae so whi bitu, Kótóné tukóló muló betere be de kelenée yóló ketekɛ butu betere alané, Tale waaire be de hapale felekeratapó. Atétere be demó, samó ere ɔlaró i haemó yó mole dirii ɔla ɔlatamo, mepaae siné doló wei kaae alée faraalopó. ¹³Téyaalotei daɔta, Talené ama haeró sɔtamo kisi kae aleyaalopó ere fo tuɛ muturaalu, ai donoi ala mole be kelaai dapóló ketekɛtamo kaae taté fu beteraipó.

¹⁴Atérapa, yaɔlo hosaa mole no nerape-ó, diɔta ai alarape kelaai kaae tarapa, Tale tuamó bitu, me só deraaire ala ó haletere ala ini, ama bóe firó betereiteiné, aɔtamo betamó betaai kisipa mutu, ketekɛ buóló mo dua betae. ¹⁵So whi atimané du betere dowi ala taaróló, Tale a beterepaae wópóló ama kaae taté fu betereiteita haɔle mei, so whi aluyaɔsóró tao saairaalu kaae tarapó, kisipa muae. Ti i fo kaae, dané hosaa mole no Pol-paae Kótóné fosó fosói kisipa matepa amakélé asɛrapó. ¹⁶Pol-né so whiipaae dotonale asɛmó me fo kae ini, yaɔlo i du betere fo kaaetóró erapó. Ama yale asɛrape tuamó mepaae ere fo bete tuɛ yaaire mo hapólurapó. Mepaae mo kóló kólóre so whiró Talené ala tuamó diriyóló bitinire so whitamóné, Kótóné mepaae asɛ tuamó ere fo wɛrótu dere kaae, Pol-né asɛre fokélé atimané bete tokóló donotóró yó meni, wɛrótu beteraipó. Atétere alané atimatei doraaire tu aletu beteraipó.

¹⁷Térapa, yaɔlo hosaa mole no nerape-ó, i ala yaalopóló bope yale ala diaaɔ wosóló ai tuɛrapa, Kótóné tukóló muló betere fo aɔmó bitinire so whi kópaae fu betere alané diɔ aɔlisóró faɔsóró, mo hotowaró kaae tawae. Ti noa yaɔsóró meipó. Diɔ Kótóné ama bete mole ala tuamó mo diriyóló betereitei taaróló, haepaae derepaɔsóró dapó. ¹⁸Tépatei, da aluyaɔsóró tao sóro tɛteróló kaae tare whi Yesu Kerisoné hamokoróló haɔle tao sere alaró a kisipa deté fole alatamo diɔ tuamó mo ti fakeraté fu betae. Mió i betere alimókélé, take betaaire alimókélé, ama doi haɔle muó tanópóló, sóro horótu betae! Mo kée, téyópóló yae!